

定鄉小識卷六

錢塘張 道少南

山水記 六 白沙塢路

白沙塢西南爲天宮山爲茱萸尖爲大羊山塢中爲青山爲紅旗山爲米篩山爲鳳山爲獅山爲童子山爲美女山爲五髻山爲竹馬山爲童山又塢南爲譚經臺山爲板壁山爲青籊山下有鯉魚山又南而東爲徐家山爲眠牛山爲牌山下有牌山嶺嶺東北爲金子街爲萬寶石山爲鷓鴣嶺爲東塢山又塢東

定鄉小識卷六

一

而北爲九里暗山爲萬羅山爲獅象山古有石膏山又塢北爲分金嶺爲澹竹嶺又北而西爲龜山爲蛇山爲水孔山爲沙嶺爲天姥岑爲寒洞山爲西塢山爲高阮嶺塢水匯流爲盧家溪

坵

長壽鄉古有青木嶺狗頭嶺玉兒潭大悲山大老山惠泉

白沙塢 萬厓錢塘縣志天門山之支南行者曰五雲山其東北有白沙塢

塢在胡步北踰石灰大嶺卽白沙塢矣四圍高峯削翠亂山巉巖濃青不斷環若桃源中間平曠方數十里有水竹田廬之勝東近白巖山北達餘杭西通富陽南出胡步塢去五雲山甚遠約五十餘里聶氏特以是山標塢所在耳然在五雲山西北非東北也

天宮山 在白沙塢南尖峯挺立上際雲霄

茱萸尖 在白沙塢南萬厓錢塘縣志粟山西爲茱萸尖康熙錢塘縣志舊志茱萸尖石微赤以色名茱萸尖高峻險峭不可名狀樵人卻步白沙塢

定鄉小識卷六

二

諸山此爲最高其旁卽天宮山或云以產茱萸得名山背屬富陽近雞籠山

大羊山 在白沙塢西南茱萸尖側高峻與茱萸尖齊山背屬富陽

青山 在白沙塢高十餘丈周一里餘低小而秀潤蒼蔚可挹有青山廟

紅旗山 在盧家溪口

米篩山 在紅旗山東

鳳山 在米篩山東

獅山 在米篩山北

童子山 在獅山北

美女山 在獅山北與童子山比肩齊高小而秀潤
形如美女

五髻山 在美女山北

竹馬山 在五髻山北

童山 在竹馬山北

譚經臺山 在白沙塢東尖峯聳峭高不可上相傳
昔仙人譚經於此故名

板壁山 在譚經臺山南

青筍灣山 在牌山西與牌山雙峯對峙高數百丈

定鄉小識卷六

三

形勢峻峭中爲大嶺宛如天闕越南爲譚經塢

鯉山 在牌山側青筍灣山下

徐家山 在牌山西一名甌桶山

徐 某

徐家山記

山以徐名卽氏而名也自有天地卽有是山徐氏
之居此三百年耳然則前此山不名乎吾不得而
知也山與天地爲終始名則或有時而變今日徐
之氏山烏知他日之山不氏徐則徐之長有是山
興否亦不得而知也夫山以興雲雨宅神靈植材

貨而毓英賢爲大環白沙間東有譚經之勝南有
茱萸之奇西有崷岑寒洞之雄北有岷崤白巖之
峻攬形望勢以爲中必有異人焉而宅其下者至
於今無所聞矧茲山之卑小者也然則山其重累
夫徐乎抑又聞之愚公名其谷匡君氏其山古今
畸人偉士結廬託足遺蹟所存往往動後人思千
百載下履其地如接其人今徐無以爲山重而強
氏焉然則徐其重累夫山乎雖然徐之有是山而
山之樂有徐也非一年矣扶輿蜿蜒蟠鬱於斯石
嶺簾峯枝聯幹貫故其面方而體圓居正之德也

定鄉小識卷六

四

眾峭特而互合此含和而中立謙尊之光也至於
日月耀其華雲霞被其秀其文明之象乎徐之人
觀其象而效其德行規步矩所以居正也樽節退
讓所以鳴謙也敦典庸禮所以文明也相與耕鑿
於其下絃誦於其中蒼松抱秀綠竹挺節雖謝傅
之東山羊公之峴首豈遽遠哉若其學巉巖以爲
奇喜險峻以爲巧壘塊居心谿壑成欲則山且不
屑蒙其名而徒貽山靈笑也懼矣

眠牛山 在石灰嶺北形如臥犢子故名明馮御史
來聘窆於此

牌山 在青筋山東俗作簪山山自白巖山發支過
金家嶺崛起峯巒高數百丈周回十餘里青屏黛
嶂聯絡障互入金子衙望之高峻秀傑如南山五
老峰迤西爲石灰嶺形勢全趨富陽

牌山嶺 在牌山下咸淳臨安志牌山嶺在錢塘縣
定山南鄉夢梁錄牌山嶺在定山南鄉

牌山下有橫嶺長約三里逶迤而下甚平坦嶺
北爲金子衙山踰嶺而東出金家嶺今屬縣之
長壽鄉宋時隸定南蓋宋分金滕村皆屬定南
此嶺在分金滕村間故云定山南鄉咸淳志又

定鄉小識卷六

五

於山川門排山下注云排山嶺在定山南鄉屬
仁和縣排山在徐村志中疆域門定北鄉有排
山嶺旣云在定南不應坳此山下且定鄉四境
不與仁和鄰志著屬仁和縣四字更爲難解而
橋道門在徐范村之排山橋反譌排作牌總之
排山嶺當作牌山嶺牌山橋當作排山橋兩字
音同各致訛舛豈傳鈔鏤刻之故耶今爲訂正

金子衙

一作君
子衙

萬厯錢塘縣志粟山西爲金子衙

其太祖則禹杭之徑山也由粟山至金子衙五十
里而遙爲南北兩山祖其西南遡錢塘江上爲定

山南北安吉長壽四鄉山與富陽餘杭接疆其西北沿茗溪康熙錢塘縣志茱萸尖下有金子衙舊邑志金子衙以人名由粟山至金子衙凡五十里爲南北兩山祖西南溯錢塘江定山界

金子衙在白沙塢牌山北塢東界也踰牌山嶺更東爲金家嶺金子衙與金家嶺皆以金氏得名今嶺上尙有金姓族居其地皆隴阜錯連形家所云懶坦牛皮漲也山爲棚民翻劓殆徧濯濯然童而疥矣又聶氏志以是地爲南北兩山之祖故云西南溯定山南北安吉長壽四鄉山

定鄉小識卷六

六

西北沿茗溪云云所云定山南北乃二鄉也魏氏割取定山而棄南北安吉長壽四鄉山九字直云定山界誤矣

萬寶石山 在白沙塢東

鷓鴣嶺

一名桃紅嶺

在白沙塢東北嶺下爲東塢山近

施家園踰嶺而東南出金家嶺

東塢山 在白沙塢東山中別爲一塢廬舍竹樹環宅山麓越東爲午潮山

九里暗山 萬厯杭州府志在縣治西六十里高百丈周回二十里萬厯錢塘縣志白巖之支東南行

爲九里暗山康熙錢塘縣志郡志在縣治西南六十里高百丈周回二十里地多虎人不敢獨行有分金嶺之水繞山直達西溪閑林埠

萬羅山 萬厯杭州府志九里暗山西爲萬羅山康熙錢塘縣志郡志在九里暗山西二里高八十丈周回四里羣峯環迴如羅

獅象山 康熙錢塘縣志郡志在九里暗山北二里高八丈周回二里

石膏山 咸淳臨安志錢塘縣西五十七里有石膏山出石膏若雪瑩白成化杭州府志去城西北五十七里出石膏如雪一名稽留山無毒獸惡蟲通典錢塘有石膏山敷用爲最太平寰宇記石膏山在縣西五十七里夢梁錄城東北有石膏山

定鄉小識卷六

七

杭州府志云按通典州郡部錢塘縣僅錄此一山自咸淳志合錢塘仁和三山川爲卷以石膏山次列於佛日黃鶴之間近志遂誤系仁和然咸淳志亦自標明錢塘縣也依其道里當與九里暗山相近胡敬定鄉雜咏詩注中引此而駁之云按錢塘之析爲錢江在梁德龍二年錢江之易名仁和在宋太平興國四年杜氏作通典時

未嘗分也今定鄉諸山不聞有產石膏者其山或自在佛日黃鶴間潛氏之標明錢塘當是據通典所載縣名而未深考其分置之故耳浙江通志引成化郡志列於仁和今考咸淳志云山出石膏若雪瑩白且云錢塘縣西若仁和則非縣西矣古今山川同名者多或兩處均有是山姑從府志次九里暗山後

分金嶺 咸淳臨安志在錢塘縣舊治西南到縣六十里夢梁錄在錢塘舊治西萬厓錢塘縣志白巖之支東南行爲分金嶺可達西溪閑林埠有集福

定鄉小識卷六

八

寺康熙錢塘縣志郡志在縣治西南六十五里平坦不高長十五里近富陽界北達餘杭路水東北行直達西溪

分金嶺水南流白沙塢盧家溪北達西溪入餘杭西出富陽水由此分故名嶺下爲白沙塢東塢山咸淳志疆域門分金里屬南鄉今隸長壽澹竹嶺 洪瞻祖西溪志其水自分金澹竹二嶺而爲鎮河

龜山 在白沙塢西

蛇山 在白沙塢西

水孔山 在白沙塢西

沙嶺 在白沙塢西

天姥岑 在白沙塢西

寒洞山 在白沙塢西

高阮嶺 在白沙塢西一名交界嶺近富陽界以兩

邑交界故名

西塢山 萬厯杭州府志在縣治西南六十里高二

百丈周回二十里康熙錢塘縣志西塢山郡志在

縣治西南六十里高二百丈周回二里

據志列洞子山云在西塢山東五里洞子山在

定鄉小識卷六

九

湖步則是山當近湖步然白沙塢有東塢山西

塢當對東塢而名故列塢西諸山後

盧家溪 一作羅家溪

在白沙塢西北自分金嶺發源經

東光頂畝環楊家埭匯東塢山金子衙牌山青簷

山諸溪之水出橫溪橋而西直趨富陽金剛山入

高橋浦達於江塢中東南北三面皆高峯橫嶺障

隔重疊惟塢西山巒舒豁溪出其隙會為大流以

洩於富春江

青木嶺 咸淳臨安志青木嶺在錢塘縣舊治之西

到縣四十里

狗頭嶺 咸淳臨安志狗頭嶺在錢塘縣舊治之北
到縣五十里夢梁錄狗頭嶺在舊治北

右二嶺以道里計當近滕村今不可知矣

玉兒潭 咸淳臨安志玉兒潭晏公志云在郡西五
十里葛澧錢塘賦潭則浣沙玉兒

大悲山 夢梁錄長壽鄉有大悲山塢

大老山 咸淳臨安志長壽鄉大老山泉自地湧出
惠泉 咸淳臨安志惠泉在錢塘縣長壽鄉大老山
泉自地湧出亢旱不涸有寺以泉爲名夢梁錄惠
泉在錢塘縣長壽鄉大遮山惠泉寺

定鄉小識卷六

十

吳氏以大老爲大遮譌大遮山自在安溪鎮也
胡書農定鄉雜咏詩云眞僞世間誰辨得此中
還有惠山泉

自青木嶺至惠泉今無可考大約皆長壽山
中山水故列白沙塢後